

pœnam ab Ordinario, vel Inquirente impostam hæretico, illico exequi: vel si hæretici eisdem puniendi traduntur, ordinariâ Juris pœnâ, etiam mortis afficere. Patet Conclusio ex c. Ut Inquisitionis 13. h. t. in 6. quod totum hic inferere placuit, & sic sonat:

Ut inquisitionis negotium contra hæreticam pravitatem, ad Dei gloriam, & augmentum Fidei nostris temporibus prosperetur, leges quasdam per Fridericum olim Romanorum Imperatorem, tunc in devotione Romana persistentem Ecclesia promulgatas, quatenus Dei, & Ecclesie sue sanctæ honorem promoveant, & Hæreticorum exterminium prosequantur, & statuti canonici non obstant approbantes, & observari volentes: universos Saculi Potestates, & Dominos temporales, ac provinciarum, terrarum, civitatum, aliorumque locorum Rectores, quibuscunque dignitatibus, vel officiis, aut nominibus constituentur, requirimus, & monemus, ut sicut reputari cupiunt, & haberi fideles, ita pro defensione fidei Diocesis Episcopi, & Inquirentibus hæretice pravitate à Sede Apostolica deputatis, aut in posterum deputandis pareant. & intendant in Hæreticorum, credentium, fautorum, receptorum, & defensorum ipsorum investigatione, captione, ac custodia diligenti, cum ab eis fuerint requisiti: & ut prefatas personas pestiferas in potestatem, seu carcerem Episcoporum, aut Inquirentium ditorum, vel ad locum, de quo ipsi, vel aliqui ex eis mandaverint, infra eorundem Dominorum potestatem, vel Rectorum districtum ducant, vel duci faciant sine mora: ubi per viros Catholicos à prefatis Episcopis, seu Inquirentibus, vel eorum aliquo deputatos, sub archa, & diligenti custodia teneantur, donec eorum negotium per Ecclesie iudicium terminetur.

Utque de Hæresi à Diocesano Episcopo, vel Inquirente, seu Inquirentibus condemnatos, prefati Potestatis, Domini temporales, Rectores, vel eorum Officiales, seu Nuntii sibi relicti statim recipiant indilatè animadversione debitâ puniendos: Non obstantibus appellationibus, seu proclationibus predictorum nequitia filiorum: cum tam secundum legem Imperialem, appellationis, & proclamationis beneficium expressè sit hæreticis, credentibus, ac eorum receptoribus, fautoribus, & defensoribus interdictum.

Prohibemus quoque districtis Potestatibus, Dominis temporalibus, & Rectoribus eorundemque Officialibus supradictis, ne ipsi de hoc crimine (cum merè sit Ecclesiasticum) quoquo modo cognoscant, vel judicent: sive captos pro eodem crimine absque dictorum Episcoporum, sive Inquirentium, aut saltem alterius eorundem licentiâ, vel mandato à carcere liberent: aut executionem sibi pro huiusmodi crimine à Diocesano, vel Inquirentibus, seu Inquirentes injunctam promptè (prout ad suum spectat officium) facere, seu adimplere detrectent: vel aliis Diocesanorum, aut Inquirentium iudicium, sententiam, seu processum directè, vel indirectè impedire presumant.

Si quis verò de prædictis Potestatibus, Dominis temporalibus, Rectoribus, vel eorum Officialibus, seu Ballivis contra prædicta fecerit, aut prefato Fidei negotio sapè satis Diocesano Episcopo, Inquirentibus incumbenti se opponere fortè præsumpserit, vel ipsam aliquatenus impedire, necnon & qui scientes in prædictis dederit auxilium, consilium, furorè, Excommunicationis se noverit mucrone percussum: quam si per annum animo sustinuerit peritacim, ex tunc velus Hæreticus condemnatur.

Resp. II. Principes, Potestates, aut Judices seculares non differre, aut reculare possunt executionem sententiæ ab Inquirente, aut Ordinario in causa hæresi latam, nec omittre, differre, vel negligere inferre pœnam Jure debitam Reo hæretico

illis tradito, sub prætextu, quòd debeant prius videre Processum à Juce Ecclesiastico factum, an sit rite formatus, vel an sententia sit iusta vel non. Nec ulla ratione possunt pretendere, videre, & solutrare Processum, sed si petunt, potest & debet illum Juxta Ecclesiasticis negare. Farinacius de Hæresi. q. 186. à n. 165. Castro Palao de Fide Tr. 4. Disp. 3. pun. 14. num. 5. cum communissima, & hodie certa aliorum, quos copiosè ibidem allegat Farinacius dicens cum aliis, sententiam contrariam, communi Peritorum consensu, & usu explosam esse, atque rejectam, arg. cit. c. Ut inquisitionis. 13. h. t. in 6. ubi §. Utque de Hæresi expressè excipit Papa, ut Domini temporales sibi relicti (Hæreticos) statim accipiant, indilatè animadversione debitâ puniendos, & §. Prohibemus, ne executionem sibi pro huiusmodi crimine à Diocesano, vel Inquirente junctam, promptè facere, seu adimplere detrectent. Accedit, & Conclusionem certam reddit Constitutio Innocentii VIII. Dilectus, etque decima inter Constitutiones dicti Pontificis in Bullario Cherub. ubi Papa præcipit, ut Judices seculares sine ulla visione Processus ab Inquirente facti exequantur sententiam, & quidem sub pœna Excommunicationis ipso facto incurrendæ: ut patet ex tenore Bullæ sic sonantis:

Dilectus filius frater Antonius de Brixia Ordinis Predicatorum in partibus Lombardiæ Inquisitor hæretice pravitate, unâ cum Venerabili fratre Episcopo Brixienfi, seu ejus Vicario Generali, sicuti vobis nuper fecit exponi, contra nonnullos urivique sexus Hæreticos, ut accepimus, quos culpabiles, ut Hæreticos impenitentem reprobos, panâ debitâ Juri puniendos condemnavit: ac Officiales Civitatis Brixienfis, ut injunctam executionem adimplerent, requisivit, qui Officiales justitiam ministrare, & dictam sententiam exequi (nisi prius Processus per Episcopum, & Inquirentem agitato non viderent) in non parvum Orthodoxæ fidei scandalum, recitavimus.

At cum huiusmodi crimen Hæresi sit merè Ecclesiasticum & delicta nullo pacto impunita remaneant debeant, tenore presentium vobis committimus et mandamus, ut si est ita, eisdem Officialibus secularibus Civitatis Brixienfis sub Excommunicationis pœna, & aliis censuris Ecclesiasticis, præcipitis atque mandatis, ut infra sex dies, postquam legitime fuerint requisiti, sine aliqua ditorum Processuum, per vos agitatorum visione, sententias per vos latus contra huiusmodi Hæreticos promptè exequantur appellatione remotâ. Quam Excommunicationis panam ipso facto volumus, & tenore presentium declaramus, incurrisse, si, quòd mandatum fuerit, infra dictum sex dierum spatium, cessante legitimo impedimento, cum effectu non impleverint.

Constitutionibus & Ordinationibus Apostolicis, statuti Civitatis Brixienfis, caterisque in contrarium facientibus non obstantibus quibuscunque.

Datum Rome apud sanctum Petrum sub anno Piscatoris die trigesimo Septembris, Milleesimo quadringentesimo octogesimo sexto, Pontificatus nostri Anno tertio.

Ratio est: quia cum juxta num. 431. & c. Ut inquisitionis: de crimine hæresi nullo modo cognoscere, & judicare valeant, frustra Processum super illo factum pretendunt.

Ceterum ad hoc ut indilatè dicatur Juxta seculares exequi, requiritur & sufficit, ut intra sex dies exequantur, prout patet ex dicta Bulla, & tenent communiter Doctores, ut videre est apud Farinacium de Hæresi. q. 186. n. 162.

Resp. III. Quamvis Potestates seculares de crimine hæresi nullo modo cognoscere aut judicare, nec in Processu contra hæreticos ulla tenus se immiscere

immiscere valeant per dicta: possunt tamen etiam non requisiti suspectos de hæresi capere, & decidere ad hoc, ut illos competenti Judici Ecclesiastico tradant. Farinacius l. cit. n. 158. Clarus de Hæresi. num. 4. & alii. Ratio est: quia tali modo in judicatum non se intromittunt, nec Judicem nullo modo impediunt, sed potius debite juvant in ordine ad coercendos, puniendos, & extirpandos hæreticos.

456 Ex eadem ratione possunt etiam facere statuta, & leges, quibus Processus contra hæresin promovetur, Judicibus Ecclesiasticis afficitur, & pœne contra hæreticos à SS. Canonibus inflictæ exasperantur; licet non possint condere statuta, quibus negotium Inquisitionis contra hæreticos directè vel indirectè impediatur, aut retardetur, c. Statutum. 9. h. t. in 6. Farinacius loc. cit. num. 157.

457 Denique notandum, quòd, cum juxta dicta à num. 340. pœne temporales & corporales à Jure contra hæreticos Augustinæ Confessionis (& forsitan etiam alios) in Germania per Pacem publicam videantur sublatae, frustra Juxta Ecclesiasticis traderet hæreticum Judici seculari. Hinc vel ipse hæreticum judicialiter confessum, aut convictum debita pœna etiam temporalis & corporalis, v. g. perpetui carceris (non item mortis) afficere, vel quod consilium est, à pœnis corporalibus, & temporalibus omnino abstrahere debet juxta dicta num. 345.

Et hæc amore Religionis & Ecclesie in odium vitii omnium perniciosissimi hæresi dicta sufficiunt. Qui plura desiderat, legat Farinacium de hæresi, & alios de eadem integros Tractatus scribentes.

TITULUS VIII.

De Schismaticis, & Ordinatis ab eis.

SUMMARIUM.

- 1 Ratio continuationis.
- 2 Schisma, & Schismatici quid?
- 3 Schisma aliud est purum, & propriè tale.
- 4 Aliud non purum, sed conjunctum cum Hæresi.
- 5 Quamvis conjuncti sint Schismatici? & qui non?
- 6 Separari se ab Episcopo suo, & Communitate Diocesana non est Schismaticum propriè.
- 7 Schisma quomodo differat ab Hæresi?
- 8 Pœne Schismatici non puri, sunt pœne Hæreticorum.
- 9 Pœne Schismatici puri sunt I. Excommunicatio.
- 10 II. Inhabilitas ad Beneficia Ecclesiastica.
- 11 Non item privatio Beneficiorum prius vitè oblatorum.
- 12 III. Est confiscatio omnium honorum, ac privatio Officiorum, & honorum &c.
- 13 IV. Est privatio omnis jurisdictionis Ecclesiasticæ, & per consequens nullitas Actuum.
- 14 Schismatici tamen validè ordinant, quamvis ordinati ab eis sint suspensi.
- 15 Schismatici non sunt irregulares, nec infames, nisi Schisma ipsorum sit votorium.
- 16 Si tempore Schismatis sunt duo Pontifices, & unus est certus, ei soli est adhaerendum.
- 17 Si ambo sunt dubii, nulli est adhaerendum. Et num. seq.
- 18 Quid interea faciendum? Et num. præced.

Hæresi, & Hæreticis proximè accedunt, imò ordinariè cum ipsis coincidunt Schisma, & Schismatici, nec non Apostasia, & Apostate: hinc post præcedentem Titulum de Reiffenfelius Jus Can. Tom. V.

Hæreticis, in presenti de Schismaticis, & in latum sequenti de Apostatis recto ordine agitur. Itaque

Quæritur I. Quid sit Schisma? Quid Schismatici? & quomodo differant ab Hæresi, & Hæreticis? Resp. I. Quamvis Schisma genericè, & largè loquendo sit quævis scissura, & divisio, seu disruptio Communionis, arg. can. Schisma. c. 24. q. 1. ibi: Schisma quòd græcum nomen est, scissuram significat, proprie tamen & ad propositum loquendo; Schisma est scissura, seu disjunctio, ac divisio, quâ quis se separat ab unitate universalis Ecclesie, in quantum hæc est Corpus quoddam mysticum ex diversorum statuum Fidelibus tanquam Membribus inter se, ac Romano Pontifice tanquam visibili Capite illius constat. Ita in re communis.

Schisma sic definitum dividitur in purum, & non purum, & conjunctum cum Hæresi. Purum sit, & est, quando quis omnes Fidei Articulos, ac etiam supremam Pontificis potestatem, & primatum in Ecclesia credens, ex mera malitia Pontifici quâ tali, seu quâ Capiti Ecclesie & Christi in terris Vicario iubeat & obedire, vel cæteris universalis Ecclesie Membribus uniti, vel unitus & conjunctus esse detrectat; ut si ali-quod Regnum, aut Provincia, quòd obedientiam Papæ tanquam Capiti Ecclesie negans, conlitteret sibi proprium Episcopum, aut Patriarcham assumeret, eique in spiritualibus obediret, spre-tis, vel neglectis, & non attentis Papæ mandatis; quamvis de cætero Papatum, & Articulos crederet. Et hujusmodi Regni & Provincie Rex, Princeps, & Incolæ puri, & propriè dicti essent Schismatici.

Schisma non purum, sed conjunctum cum Hæresi est; quando præter separationem ab unitate Ecclesie negatur una, vel plures propositiones Fidei, v. g. si negatur, vel non creditor Pontificem esse in terris Vicarium Christi, & Caput Ecclesie &c. Et quidem ordinariè & practicè loquendo, vix unquam datur amplius Schisma purum, sed quodvis conjunctum est cum Hæresi, ut bene notatur can. Hæresim. caus. 24. q. 3. ibi: Quod quidem, in principio aliquo ex parte intelligi potest: Ceterum nullum Schisma non aliquam sibi fingit Hæresim, ut rectè ab Ecclesia recessisse videatur.

Et ex his colliges, non omnes, qui Romano Pontifici obedire reculant, esse propriè Schismaticos, sed illos duntaxat, qui eidem tanquam universalis Ecclesie Capiti iubeat, & obedire detrectant. Hinc Schismaticus non est, qui primatum Ecclesie credit, & Pontifici quâ tali paratus est obedire, hic & nunc tamen ratione materiæ non obedit, v. g. dum jubet, ut arma deponat vel ex odio erga personam &c. vel quia bellum cum ipso gerit &c. Pariter non est Schismaticus, qui Papam non agnoscit Dominum temporalem alicujus Provincie, Regni &c. Sanchez lib. 2. Moral. cap. 26. num. 3. Farinacius q. 184. num. 11. Pithing h. t. num. 3. Ratio est: quia similes inobedientie actus adhuc stant cum recognitione & obedientia erga eundem tanquam Ecclesie Caput, nec separant ab Ecclesia, quatenus est Corpus mysticum, ut supra declaratum.

Pariter non censetur esse Schismaticus, nec Schismaticorum pœnas incurrere, si ab Episcopo suo, etiam quâ tali se quis separat, eique obedire detrectat; quia Schisma propriè dictum est separatio ab Ecclesia universalis, & Capite ejus. Sanchez loc. cit. num. 6. Abbas ad hanc Rubricam. num. 1. & 2. Azorius p. 1. lib. 3. q. 20. num. 4. quantum vis

etiam digna, ut per extensum hic inferatur; sonat ergo, ut sequitur.

18 Sedes Apostolica pia mater affidua sentiens ponderis sibi incumbentis in procuranda salute animarum, pretioso Christi Domini sanguine redemptarum, gravitatem & magnitudinem, in re tanti momenti, ut par est, magis in dies sollicita, eundemque optimum finem semper ante oculos propositum habens, nihil unquam intentatum pratermittit eorum, quae ad fideliu[m] animas in viam salutis dirigendas iudicari pertinet. Quare nemini mirum videri debet, si interdum quidem conuincium fidelium audaciam panarum severitate deterret. Rursus eisdem, si ad cor redire velint, & peccati veniam humiliter exposcere, maternum operit sinum, viamque ad penitentiam eis sternit facilitatem, ac mansuetudine congrua vigorem temperat, prout in Domino conspici salubriter expedire.

§. 1. Dudum siquidem fel. record. Sixtus Papa V. praedecessor noster, iustitia zelo accensus, contra procurantes abortum factus tam animati, quam inanimi, eiusque gravissimi sceleris participes & adiutores, nec non contra eos, qui mulierum fecunditatem impedirent, & sterilitatis potiones seu venena praebent, constitutionem edidit, sub dato 4. Kal. Novembris, Pontificatus sui anno tertio, per quam ultra diversas spirituales & temporales penas, etiam inter alia Excommunicationis sententiam contra eos promulgavit, sibi que & Successoribus suis tantum absolventi facultatem reservavit, prout in eadem constitutione plenius continetur.

§. 2. Cum igitur postmodum experientia docuerit, ex remedio huiusmodi, non que sperabatur, utilitatem & fructum provenisse, verum potius multis satanae malitia ad peccandum inducitis, difficilius ab soli Sedi Apostolicae reservatam absolventi facultatem, reddito ad penitentiam aditu, eos a nefuriis huiusmodi flagitiis perpetrandis non solum non retraxisse, sed etiam plurimorum Sacrilegiorum, gravissimorumque peccatorum & scelerum occasionem dedisse. Nos propterea animadvertentes, gladium Ecclesiasticae disciplinae, praesertim quoad censuras & penas spirituales, ita exercendum esse, ut ad medicinam tendat, non ad perniciem animarum aeternumque Paenitentis, cuius vices in terris gerimus, quantum (divina eius gratia adiutrice) possumus, imitari volentes, qui venit animas hominum salutare non perdere, nemini que quantumcumque graviter & enormiter deliquerit, viam salutis praclusit, quin potius ad eam assequendam copiosa remedia adhibuit, ac nobis reliquit, & simul utilis censentes, ubi nec de homicidio, nec de animato factu agitur, penas non imponere duriores illis, quae per sacros Canones, & leges prophanas sunt inflictae, habita super hoc cum Venerabilibus fratribus nostris S. R. E. Cardinalibus, super negotiis & consultationibus Episcoporum deputatis, matura deliberatione, de eorum consilio, constitutionem praedictam sic duximus moderandam, ut a peccato, & excommunicatione contra personam ibi expressas latae, tam quoad eos, qui haec tenus deliquerunt, quam quoad illos, qui post nostram constitutionem in eisdem casibus deliquerint, quilibet Presbyter, tam secularis, quam cuiusvis Ordinis regularis ad Christi fidelium confessiones audientis, & ad hos casus specialiter per hoc Ordinarium deputatus, plenam & liberam in foro conscientiae tantum, absolventi habeat facultatem, eandem prorsus quam idem Sixtus V. praedecessor noster, sibi ac suis successoribus reservavit.

§. 3. Quod verò ad penas procurantium Abortum factus inanimis, aut exhibentium mulieribus, vel sumentium venena sterilitatis, aut quocumque modo

auxilium vel consilium eis dantium, in praedicta constitutione contentas, etiam sententiam praefatam, in ea parte, ubi de his agit, ad terminos Iuris communis, ac sacrorum Canonum, & Concilii Tridentini dispositionem, auctoritate Apostolica tenore praesentium, tam quoad praeterita, quam quoad futura, perpetuo reducimus, perinde ac si eadem constitutio in huiusmodi nunquam emanasset.

§. 4. Non obstantibus eadem Praedecessoris nostri constitutione, quam quoad reliqua omnia, praeter contenta in hac nostra constitutione in suo robore omnino permanere volumus, ceterisque contrariis quibuscumque.

§. 5. Volumus autem, ut praesentium transumptis, Notarii publici manu subscriptis, & sigillo Praelati Ecclesiastici munitis eadem prorsus fides habeatur, in iudicio & extra illud, quae eisdem originalibus haberetur exhibitis, vel offensis.

§. 6. Nulli ergo omnino hominum liceat hanc paginam nostrarum moderationis, reductionis, & voluntatum infringere, vel ei ausu temerario contraire. Si quis autem hoc attentare presumpserit, indignationem Omnipotentis Dei & Beatorum Petri & Pauli Apostolorum eius se noverit incursurum.

Datum Romae in Monte Quirinali, Anno Incarnationis Dominicae 1591. prid. Kal. Junii Pontificatus nostri Anno 1.

Ex his itaque Bullis cum unanimi Doctorum 19 colliges, quod licet Gregorius XIV. penas à Sixto V. fulminatas contra procurantes Abortum factus inanimati, vel sterilitatem, & quocumque directè vel indirectè juvantes vel concurrentes ad id, re-duxerit ad terminos Iuris communis, tamen penas contra directè vel indirectè procurantes Abortum factus animati, omnes & singulos à Sixto V. statutas reliquerit in suo vigore.

Ut proin omnes, qui directè vel indirectè, per se vel per alium, quocumque modo procurant Abortum factus animati, vel ad id consilium vel auxilium praestant, aut favorem, imprimis incurant omnes penas ab utroque Jure contra Homicidas voluntarios statutas.

- 2. Contrahant Irregularitatem.
3. Sint privati omni privilegio Clericali.
4. Sint inhabiles ad omnia Officia & Beneficia tam simplicia, quam Curata.
6. Si Beneficium vel Officium jam habent, sint ipso facto privati, & tam ad idem, quam quodvis aliud perpetuo inhabiles.
7. Insuper, si Clericus est, debeat deponi & degradari, sicut degradatus tradi Curiae seculari puniendus iuxta Leges divinas, & humanas.

Et quidem, quod notandum, poena Irregularitatis, Excommunicationis, & inhabilitatis ad Beneficia obligant in Foro conscientiae ante omnem Iudicis sententiam, & quantumvis delictum sit occultum.

Poenam verò Privationis Beneficii prius habiti, 21 qui executionem externam requirit, ante sententiam Iudicis saltem declaratoriam Criminis non obligat, juxta dicta Lib. I. Tit. II. §. X. à num. 227. ut proin haec, sicut & Degradationis, & traditionis poena ad Curiam secularem, locum non habeat, quamdiu delictum manet occultum.

Circa Dispensationem, & Absolutionem ab his poenis id solum moderavit Gregorius XIV. quod ab Excommunicatione in Bulla prius strictissime reservata absolvi possit Episcopus, & quivis ab eo specialiter deputatus. Unde nec in Irregularitate, nec in privatione Beneficiorum, ac inhabilitate ad illa minime dispensare valet Episcopus, eò quod in lege Pontificis tanquam Superioris, ipse tanquam inferior, dispensare non pos-

1 possit; prout amplius dictum & probatum est Lib. I. Tit. II. §. XVIII. Hinc minime tura est doctrina P. Patrii Sporer, quam in Theolog. Sacrament. p. 4. cap. 4. n. 522. ad finem tradit, dicendo, Episcopum posse dispensare in poena privationis Beneficiorum, & inhabilitatis ad illa; qui aliis est, cap. 4. materiam de Abortu peregre pertractavit.

23 Nec in contrarium valet fundamentum à praedicto P. Sporer allatum, videlicet, Pontificem specialiter sibi non reservasse dictam inhabilitatem: Nam contra est; Tum quòd in poenis à lege Pontificia impositis, solus Papa dispensare valeat, etiam si eadem dispensationem sibi specialiter non referret; hoc ipso, quòd in lege Pontificis tanquam superioris, nullas inferior dispensare possit; nisi id alicui specialiter, vel generaliter concedatur, quod non est in casu nostro. Tum quòd Sixtus V. dispensationem suam Bullam impositis sibi universaliter expressè reservaverit ibid. §. 8. illis verbis: Ac tam absolventi, quam dispensandi facultatem etiam quoad forum conscientiae in casibus praesentibus expressis, nobis & Successoribus nostris reservamus.

24 Neque suffragatur in hoc Episcopis à Tridentino Sess. 24. de Reformat. cap. 6. quia ibi solum conceditur illis facultas dispensandi in irregularitatibus & suspensionibus ex delicto occulto provenientibus (excepta quae provenit ex Homicidio) non item in aliis poenis lege Pontificia latis, ut patet legenti textum. Et quoniam Procuratio Abortus factus animati est etiam Homicidium voluntarium, neque in Irregularitate ex illo proveniente dispensare poterit Episcopus.

25 Inferunt, quàm infelices sint praesertim Clerici Abortum factus animati directè, vel indirectè procurantes, aut consilium vel auxilium quovis modo ad illum praebentes, siue sint Curati, siue simplices, siue Beneficium habeant, siue non: si enim nullum pro illo tempore adhuc habent Beneficium, nullum amplius acquirere valent, nisi dispensetur à Papa, quantumvis delictum sit occultum: si habent Beneficium, illud quidem ante sententiam criminis declaratoriam dimittere non tenentur, tamen ante eandem sententiam, & licet delictum sit occultum, sunt ipso facto irregulares; consequenter praeter alios irregularitatis effectus non amplius possunt celebrare Missas, quòd tamen plurima Beneficis requirunt, ut proin saltem ex hoc capite ante omnem sententiam in Foro conscientiae teneantur dimittere Beneficia; quia obligationis vigore Beneficii imposte satisfacere non amplius possunt, nisi à Papa dispensetur; quod difficillime, & non nisi urgentissimi de casus fieri potest, ut habet Bulla Sixtina cit. §. 8. circa finem.

26 Majorem & exactam discussionem de Abortu qui desiderat, legat citatum Patrium Sporer in Theolog. Sacrament. p. 4. cap. 4. per totum, ubi ex professo, & reverè egregie hanc materiam pertractat, si excipis id, quod supra num. 22. impugnavimus.

TITULUS XI.

De Infantibus, & Languidis expositis.

SUMMARIUM.

Ratio continuationis. Reiffenstuel Jus Can. Tom. V.

- 2 Expositio Infantium quid?
Infans qui dicatur? Ibid.
3 Expositio Infantium ordinariè est graviter peccaminosa.
4 Est non fiat animo necandi Infantem, sed exponendi illum misericordiae altiorum,
5 Et avertendi propriam infaniam, honoremque suum tenendi.
Ubi iusta est offensio, ibi iniusta est defensio.
Ibidem.
6 An, & quando licitum sit exponere Infantem?
7 Parent in silva aut loco deserto exponens Infantem, pena mortis punitur, si infans ibi perit.
8 Quae poena, si ibi non perit, aut in via publica exponitur, & perit?
9 Quid si in via publica aut hospitali exponitur, & non perit?
10 Subinde Expositio vacat culpa, & poena.
11 Parent exponens Infantem, perdit patriam potestatem.
12 In locis, ubi pro Expositis specialiter erecta & fundata extant Orphanotrophia, aut hospitalia, haec tenentur assumerè & alere Infantem: ubi verò non extat, tenetur ad id ecclesia, vel Rector illius.
Ecclesia aurum habet non ut serviet, sed ut erogat, & subveniat necessitatibus. Ibid.
13 Dependentibus vero huius reddidit tenetur Communitas, & tandem singuli in solidum.
14 Assument, & educant Expositum, non acquirunt ius in ejus personam.
15 Ita loca, aut Ecclesie Rectores, si Expositum educant, non possunt amplius repetere expensas.
16 An, & quando alii Expositum assumentes & alentes repetere valeant expensas? Et numero seq.
17 Educantes Expositum succedunt ei ab intestato.
18 Parentes agnoscere, & assumere possunt filium, si ipsi invitati sint ablati, & expositi.
19 Expositi habentur pro legitimis, & capacibus Ordinum, Beneficiorum, Officiorum etc. non tamen Canonicalium, & Dignitatum illarum, quae ex fundatione vel statuto requirunt Nobilitatem.
20 Quam per Languidas intelligantur?
21 Eorum Expositio est graviter peccaminosa.
22 Si ab exponentibus sustentari valent.
23 Parentes, & Domini prolem, vel servum exponentes privantur patria, ac Dominica potestate. Et num. seq.
24 Dominus non tenetur ad magnas expensas pro cura famuli quae talis.
25 Bene verò quae proximi.
26 Pauper potest implorare Iudicem Ecclesiasticum contra quemvis divitem, ut sibi subveniatur. Ibid.
27 De mercede famuli agroti. Remissivè.

Quia Parricidio propinqua, adeoque simpliciter Homicidio peior est Expositio Infantium, utpote quae vel mors Infantis per exponentem intenditur, vel per accidens non raro sequitur, adeo ut l. Necare. 4. ff. de Agnoscent. & alend. liber. expressè dicatur: Necare videtur non tantum is, qui partum praefocat, sed & is, qui abicit, & qui alimentum denegat; & is qui publicis locis misericordiae causa exponit, quam ipse non habet: ideo post praecedentem Titulum, de hac Expositione praesens rector ordinat prout Rubrica.

Quaeritur I. Quid ad praesens intelligatur per Expositionem Infantium? An, & qualiter illicita? ac quibus sub poenis prohibita? Resp. I. Expositio Infantium ad praesens est, & dicitur illa, quae vel proles